

*EW* 06 - 04 - 18  
NË EMËR TË POPULLIT

GJYKATA THEMELORE NË FERIZAJ – Departamenti i përgjithshëm-divizioni penal, me gjyqtarin individual Adem Shabani, me zyrtarin ligjor Blend Rexhepi - procesmbajtës, në çështjen penale kundër [REDAKTUE] me vendbanim në Lagjen [REDAKTUE] hyrja e [REDAKTUE] kati [REDAKTUE] nr. [REDAKTUE] - Prishtinë, për shkak të veprës penale lëndim i lehtë endë trupor nga neni 188 par.2 lidhur me pragrafi 2 të KPRK-së, i akuzuar sipas aktakuzës së Prokurorisë Themelore në Ferizaj PP/II.nr.894-1/2017 të datës 17.08.2017, pas mbajtjes së shqyrtimit filletar, në praninë e përfaqësuesit të akuzës prokurorit të shtetit Bahri Hyseni dhe të akuzuarit [REDAKTUE] të nejtën ditë me datën 20.02.2018 mori dhe publikisht komunikoi, këtë:

#### A K T G J Y K I M

I akuzuari [REDAKTUE] nga Prishtina me vendbanim në lagjen " [REDAKTUE]", [REDAKTUE] hyrja [REDAKTUE] kati [REDAKTUE] nr. [REDAKTUE] i lindur me [REDAKTUE], nga i ati [REDAKTUE], e ëma [REDAKTUE], mbiemri i vajzërisë së nënës [REDAKTUE], me shqiptar, shtetas i Republikës së Kosovës profesion Agronom-menaxher i firmës " [REDAKTUE] Sh-P-K , Fushe Kosovë, ka të kryer fakultetin, i gjendjes se mesme ekonomike, mrohet në liri me numër personal [REDAKTUE]

#### ËSHTË FAJTOR

##### SEPSE:

-Me date 25.04.2017, rreth orës 07:10, në rrugën 'Toni Bler', Ferizaj, pas një mosmarrëveshje të mëhershme, në mes të pandehurit dhe të dëmtuarit [REDAKTUE] për shkak se i dëmtuari nuk ia kishte ngjitur kornizat e xhamave te lokalit të pandehurit, ashtu sipas marrëveshjes që kishin bërë mes vete, i pandehuri me dashje që t'i shkaktojë lëndime trupore të dëmtuarit, e ka sulmuar fizikisht, në atë mënyrë që e ka goditur disa here në pjesë të ndryshme të fytyrës me një mjet - shkop druri, me q'rast tëdëmtuarit i ka shkaktuar lëndime të lehta trupore, me pasoja të përkohshmepër shëndetin,-

*-me këtë ka kryer veprën penale Lëndimi i lehtë trupor nga neni 188 paragrafi 2 lidhur me paragrafin 1 të KPRK-së.*

Andaj gjykata në bazë të nenit lartcekur dhe neneve 4,6,7,21,41,43,45,46,47 dhe 73 të KPRK-së, dhe nenit 365 të KPPK-së, e,

#### G J Y K O N

I. Të akuzuarit [REDAKTUE], i shqipton denim me burg në kohëzgjatje prej 1 (një) muaj, i cili dënim konform nenit 47 të KPRK-së, me pëlqimin e të akuzuarit i

zëvendësohet në dënim me gjobë në lartësi prej 300 (treqind), €uro, të cilën dënim detyrohet që ta paguaj në afat prej 15 ditëve nga dita kur aktgjykimi të merrë formën e prerë.

Nëse i akuzuari kundërshton pagesën e gjobës ose nuk është në gjendje ta paguaj ate, konform nenit 46 par.3 të KPK-se, do të ekzekutohet në atë mënyrë që për çdo 20 € i pandehuri do të vuaj një ditë burgimi.

**II.** Të dëmtuarin [REDACTED], me vendbanim në Lagjen " [REDACTED] Ferizaj, për realizimin e kërkesës pasuroro-juridike është udhëzuar në kontest civil.

**III.** Obligohet i akuzuari të paguaj shpenzimet e procedures penale për ekspertizën mjeko- ligjore shumën prej 20 €uro, paushallin gjyqësor në shumë prej nga 30 ( tridhjetë ) €uro, të gjitha këto në afat prej 15 ditësh nga dita e plotëfujishmërisë së këtij aktgjykimi, nën kërcnim të përmbarimit të dhunshëm

**IV.** I shqiptohet taksa në shumën prej 30 €uro, konform nenit 39 paragrafi 3 nënparagrafi 3.1 të Ligjit për Kompenzimin e Viktimave të krimít.

#### A r s y e t i m i

Prokuroria Themelore në Ferizaj me aktakuzën Ferizaj PP/II.nr.894-1/2017 të datës 17.08.2017, e ka ngarkuar të akuzuarin [REDACTED], me vendbanim në Lagjen [REDACTED] hyrja e [REDACTED] katë [REDACTED], nr. [REDACTED] Prishtinë, për shkak të veprës penale lëndim i lehtë endë trupor nga nen 188 par.2 lidhur me pragr.I të KPRK-së.

Gjykata duke vepruar rrëth kësaj çështje penale konform nenit 245 par.1 të KPPK-së me dt.20.02.2018, ka mbajtur shqyrtimin fillestare në të cilin kanë marrë pjesë prokurori i shtetit dhe, i akuzuari.

Në shqyrtimin fillestare gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit fillestare i akuzuari është udhëzuar në kuptim të nenit 246.I të KPPK-së pastaj gjyqtari gjykues ka çmuar se të drerjta e të akuzuarit janë rerspektuar, e më pas prokurori i shtetit ka lexuar aktakuzën të akuzuarit dhe pasi që gjyqtari është bindur se i njëjti e ka kuptuar në tërsi aktakuzën me të cilën është akuzuar, të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet dhe konsultimet me mbrojtësin e tij.

I akuzuari [REDACTED] ka theksuar se e ndien veten fajtorë dhe e pranon fajësinë për veprën penale për të cilën është akuzuar dhe ka mbetur në tërsi pranë deklaratës që ka dhënë në polici me dt.02.05.2017 për vepren e cila i vihet në barrë nga prokuroria e shtetit është penduar për vepren e kryer, i ka propozuar gjykatës që me rastin e shqyrtimit të sanksionit penal të marr për bazë pranimin e fajsisë, pendimin për veprën e kryer, ka premtuar se më nuk do të përsërisë veprime të tilla.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPK-së, është e bindur se i akuzuari e ka kuptuar natyrën dhe pasojat e pranimit të fajsisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimit të fajsisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajsisë.

Prokurorja i shtetit Bahri Hyseni ka theksuar se pajtohet me pranimin e fajsisë nga ana e të akuzuarit pasi pranimi i fajsisë është bërë komfor ligjt dhe provat materiale që gjenden në shkresat e kësaj lënde dhe kërkon nga gjykata që të njejtin ta pranoj si të till.

Gjykata në shqyrtimin fillestar ka vëtetuar se i akuzuari pranimin e fajsisë e ka mbështet në provat që gjenden në shkresat e kësaj lënde penale në konstatimin dhe mendimin e ekspertit mjeko ligjor Dr. [REDACTED] i datës 07.08.2017 lidhur me llojin dhe natyren e lëndimeve për të dëmtuarin [REDACTED] e cila gjendet në shkresat e lëndës, në procesverbalin mbi intervisitim i të pandehurit në polici me dt.02.05.2017, dhënja e deklaratës edhe nga i dëmtuar i polici me dt.27.04.2017.

Meqenëse i akuzuari ka pranuar fajsinë e cila është në përputhje me kriteret e përcaktuara me nenin 248 par.I të KPPK-së, kryetari i trupit gjyques konform nenit 248 par.4 të KPPK-së ka vazduar me shqiptimin e dënimit (*nëse i pandehuri në shqyrtimin fillestar pranon fajsinë dhe kryetari i trupit gjyques vlerëson se pranimi i saj është bërë në pajtim me ligjin mund të vazhdoj procesin me shqiptimin e dënimit pa plotësuar trupin gjykes dhe pa e mbajtur, fare shqyrtimin gjyqësorë, lidhur me këtë shih mendimin juridik te Gjykatës Supreme të evidentuar si GJA.nr.207/13 të dt.19.03.2013*).

Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale lëndim i lehtë endë trupor nga neni 188 par.2 lidhur me pragr.I të KPRK-së.

Me rastin e caktimit të llojit dhe larëtësisë së dënimit gjykata pati parasysh të gjitha rrethanat të cilat në kuptim të nenit 73 të KPK ndikojnë në përcaktimin e llojit dhe lartësisë së dënimit.

Gjykata të akuzuarit si rrethana lehtësuese i mori parasysh pranimin e fajsisë, sjellen e tij korrekte gjatë gjykimit, faktin se nuk ka të dhëna se më parë ka qenë i dënuar për ndonjë vepër penale, ka shpreh pendim të thellë për kryerjen e kësaj vepre penale. Ndërsa në mungesë të rrethanave veqanarisht rënduese gjykata vlerësoi shkallen e përgjegjësisë penale të të pandehurit dhe rrëzikshmerinë konkrete të veprës penale, andaj duke marrë parasysh tërësinë e këtyre rrethanave dhe shkallën e përgjegjësisë penale si dhe

rrezikshmërinë konkrete të veprës penale, mbi bazën e rrethanave të tillë gjykata te pandehurit i vërtetoi dënimin me burgim në kohëzgjatje prej 1 (një) muaj, i cili dënim konform nenit 47 të KPK-së me pëlqimin e të akuzuarit i zëvendësohet në dënim me gjobë në shumë prej 300 (treqind) €uro, me bindjen se në rastin konkret do të arrihet qëllimi i dënit të preventives speciale dhe asaj gjenerale, ku një dënim i tillë është adekuat dhe në proporcion të drejt në raport me peshën e veprës penale, rrethanave të kryerjesë së vepres penale, shkallen e përgjegjësisë penale dhe personalitetin e të pandehurit. dhe me te arrihet qëllimi ndëshkimor në kuptim të preventivës speciale që i akuzuari të mos kryejë vepra penale si dhe në kuptim të preventivës së përgjithshme të parandalimit të kësaj vepre penale në shoqëri konform nenit 41 të KPRK-së.

Gjykata konformë nenit 463 parag.1 lidhur me par 3.të KPPK-së të të dëmtuarin [REDACTED], me vendbanim në Lagjen ' [REDACTED] Ferizaj, për realizimin e kërkesës pasuroro-juridike janë udhëzuar në kontest civil.


Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe nenit 39 parag.1 nënpar. 3.1 të Ligjit për Kompenzimin e viktave të krimit Nr.05/L-036.

Nga arsyet e lartë përmendura është vendos si në dispozitiv të këtij aktgjykimi.

**GJYKATA THEMELORE NË FERIZAJ**  
Departamenti i përgjithshëm-divizioni penal,  
P.nr.2089/17 me datë 20.02.2018

Zyrtari Ligjor  
Blend Rexhepi

Gjyqtari  
Adem Shabani



**KËSHILLA JURIDIKE:**Kundër këtij aktgjykimi është e lejuar ankesa në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.